

**PHILIPS**

AC0650



Օգտագործողի  
ձեռնարկ

# Բովանդակություն

<b>1</b>	<b>Ուշադրություն</b> .....	<b>2</b>
	Անվտանգություն .....	2
	ԵՄ համապատասխանության պարզեցված հայտարարագիր .....	3
<b>2</b>	<b>Ձեռ օդամաքրիչը</b> .....	<b>4</b>
	Ապրանքի ընդհանուր բնութագիրը .....	4
	Կառավարման ֆունկցիաների բնութագիրը .....	5
<b>3</b>	<b>Օդամաքրիչ սարքի օգտագործում</b> .....	<b>5</b>
	Ֆիլտրի տեղադրում .....	5
	Wi-Fi-ի ցուցիչի նկարագիր .....	6
	Wi-Fi կապ .....	6
	Հոսանքից սնուցման միացում .....	7
	Միացում և անջատում .....	7
	Ավտոմատ ռեժիմի կարգավորումների փոփոխություն .....	7
	Գործարանային կարգավորումների վերակայում .....	8
<b>4</b>	<b>Մաքրում</b> .....	<b>8</b>
	Մաքրման ժամանակացույց .....	8
	Օդամաքրիչի կորպուսի մաքրում .....	8
	Ֆիլտրի մակերևույթի մաքրում .....	8
<b>5</b>	<b>Ֆիլտրի փոխարինում</b> .....	<b>9</b>
	Օդի որակի վերահսկման համակարգի արգելափակման ազդանշանների նշանակությունը .....	9
	Ֆիլտրի փոխարինում .....	9
	Ֆիլտրի վերակայում .....	9
<b>6</b>	<b>Պահեստավորում</b> .....	<b>10</b>
<b>7</b>	<b>Անսարքությունների վերացում</b> .....	<b>10</b>
<b>8</b>	<b>Ծանուցումներ</b> .....	<b>12</b>
	Էլեկտրամագնիսական դաշտեր (ԷՄԴ) .....	12
	Օգտահանում .....	12
<b>9</b>	<b>Երաշխիք և աջակցություն</b> .....	<b>12</b>
	Պատվիրեք մասեր կամ արքեսուարներ .....	12

# 1 Ուշադրություն

## Անվտանգություն

Սարքն օգտագործելուց առաջ ուշադիր կարդացեք այս օգտագործողի ձեռնարկը և պահեք այն՝ հետագայում օգտվելու համար:

Սարքի լավ աշխատանքի համար խորհուրդ ենք տալիս թարմացնել օդամաքրիչը ամենավերջին տարբերակով: Դուք կարող եք կատարել թարմացումը Air+ հավելվածի միջոցով:

### Վտանգ

- Էլեկտրահարումից և/կամ հրդեհից խուսափելու համար մի մաքրեք սարքը ջրով, որևէ այլ հեղուկով կամ (ոչուրավառ) վառող միջոցներով:
- Սարքի մոտ մի ցողեք ոչուրավառ նյութեր, օրինակ՝ միջատասպան նյութեր կամ բուրմունքներ:

### Զգուշացում

- Նախքան սարքը միացնելը, համոզվեք, որ սարքի վրա նշված լարումը համապատասխանում է տեղական հոսանքի լարմանը:
- Եթե հոսանքի լարը վնասված է, այն պետք է փոխարինվի Philips-ի, Philips-ի կողմից լիազորված սպասարկման կենտրոնի կամ նման որակավորում ունեցող անձանց կողմից՝ վտանգից խուսափելու համար:
- Մի օգտագործեք սարքը, եթե հարմարիչը, հոսանքի լարը կամ հենց սարքը վնասված են:
- Օգտագործեք միայն սարքի հետ տրամադրված հաստատված հարմարիչը (KA1201A-2400500EU):
- Այս սարքը կարող են օգտագործել 8 տարեկան և բարձր տարիքի երեխաները, սահմանափակ ֆիզիկական, զգայական կամ մտավոր ունակություններ կամ փորձի և գիտելիքների պակաս ունեցող անձինք, եթե նրանց տրամադրվել են սարքի անվտանգ օգտագործման հրահանգները, կամ ապահովվել է վերահսկողություն՝ անվտանգ օգտագործումը երաշխավորելու համար և, եթե նրանք տեղեկացված են դրա հետ կապված վտանգների մասին:
- Երեխաներին արգելվում է խաղալ սարքի հետ:
- Երեխաները չպետք է առանց վերահսկողության մաքրման և տեխսպասարկման աշխատանքներ իրականացնեն:
- Մի ծածկեք օդի մուտքի ու ելքի անցքերը, օրինակ՝ առարկաներ տեղադրելով այդ անցքերի դիմաց:
- Հետևեք, որպեսզի օտար առարկաներ չընկնեն սարքի մեջ օդի ելքային անցքից:
- Ստանդարտ WiFi ինտերֆեյս՝ 802,11b/g/n 2,4 ԳՀց՝ 100 մՎտ EIRP (արդյունավետ իզոտրոպիկ ճառագայթման հզորություն) չգերազանցող առավելագույն ելքային հզորությամբ:
- Bluetooth տարբերակ 5.0 (LE)՝ 2,4 ԳՀց հաճախականությամբ, RF ելքային հզորությունը 10 մՎտ EIRP-ից պակաս:

### Զգուշացում

- Այս սարքը չի կարող փոխարինել լիարժեք օդափոխության համակարգին, փոշեկուլով կանոնավոր մաքրմանը կամ խոհանոցի օդաքաշման համակարգին:
- Միշտ տեղադրեք և օգտագործեք սարքը չոր, կայուն, հարթ և հորիզոնական մակերևույթի վրա:
- Սարքի շուրջը թողեք առնվազն 20 սմ ազատ տարածք, իսկ սարքի վերևում՝ առնվազն 30 սմ ազատ տարածք:
- Մի նստեք կամ կանգնեք սարքի վրա: Սարքի վրա առարկաներ մի դրեք:
- Մի տեղադրեք սարքն անմիջապես օդորակիչի տակ, որպեսզի կոնդենսատը չթափվի սարքի վրա:
- Օգտագործեք միայն այս սարքի համար նախատեսված Philips-ի օրիգինալ ֆիլտրերը: Մի օգտագործեք այլ ֆիլտրեր:
- Ֆիլտրի այրումը կարող է լուրջ սպառնալիք լինել մարդու կյանքի համար և/կամ վնասել ուրիշներին: Մի օգտագործեք ֆիլտրը որպես վառելիք կամ նմանատիպ նպատակների համար:

- Մի հարվածեք սարքին (հատկապես օդի մուտքի և ելքի հատվածները) կոշտ առարկաներով:
- Մատները կամ այլ առարկաներ մի դրեք օդի ելքի կամ մուտքի անցքի մեջ՝ մարմնական վնասվածքներից խուսափելու կամ սարքը անսարքությունից պաշտպանելու համար:
- Մի օգտագործեք այս սարքը, երբ փակ տարածքում օգտագործել եք ծխատիպ միջատասպան միջոցներ կամ այն վայրերում, որտեղ կան յուղային մնացորդներ, կատարվել է խնկարկություն կամ առկա են քիմիական գոլորշիներ:
- Մի օգտագործեք սարքը գազի սարքավորումների, ջեռուցման սարքերի կամ բուխարիների մոտ:
- Միշտ նախ անջատեք օդամաքրիչը, այնուիետև հարմարիչը հանեք վարդակից, երբ ցանկանում եք սարքը տեղափոխել կամ մաքրել, փոխարինել ֆիլտրերը կամ կատարել սպասարկման այլ աշխատանքներ:
- Սարքը նախատեսված է միայն նորմալ շահագործման պայմաններում կենցաղային օգտագործման համար:
- Մի օգտագործեք սարքը խոնավ կամ բարձր ջերմաստիճանային պայմաններում, օրինակ՝ լոգարանում, զուգարանում կամ խոհանոցում կամ ջերմաստիճանի մեծ տատանումներով սենյակում:
- Սարքը չի չեզոքացնում ածխածնի օքսիդը (CO) կամ ռադոնը (Rn): Այն չի կարող օգտագործվել որպես անվտանգության սարք հրդեհի բռնման և վտանգավոր քիմիական նյութերի արտահոսքի դեպքում:

---

## ԵՄ համապատասխանության պարզեցված հայտարարագիր


Սույնով, DAP B.V.-ն հայտարարում է, որ AC0650 ռադիոսարքավորման տեսակը համապատասխանում է 2014/53/ԵՄ հանձնարարագրին: ԵՄ համապատասխանության հայտարարագրի ամբողջական տեքստը հասանելի է հետևյալ վեբկայքում՝ [www.philips.com](http://www.philips.com):

## 2 Ձեր օդամաքիչը

Շնորհավորում ենք գնման կապակցությամբ և բարի գալուստ Philips:


Philips-ի առաջարկած աջակցությունից լիարժեք օգտվելու համար գրանցեք ձեր ապրանքն այստեղ՝ [www.philips.com/support](http://www.philips.com/support):

### Ապրանքի ընդհանուր բնութագիրը



\*Օգտագործեք միայն հետը տրամադրված հարմարիչը:

## Կառավարման ֆունկցիաների բնութագիրը




## 3 Օդամաքրիչ սարքի օգտագործում

### Ֆիլտրի տեղադրում

Առաջին անգամ օգտագործելուց առաջ հեռացրեք ֆիլտրի ամբողջ փաթեթավորումը:

**Նշում.** Նախքան ֆիլտրը տեղադրելը համոզվեք, որ օդամաքրիչն անջատված է էլեկտրասնուցման վարդակից:





- 1 Պտտեք հիմքը ժամացույցի սլաքին հակառակ ուղղությամբ՝ այն սարքից անջատելու համար:
- 2 Հանեք ֆիլտրը սարքից:
- 3 Հեռացրեք օդի մաքրման ֆիլտրի փաթեթավորման բոլոր նյութերը:
- 4 Ֆիլտրը նորից հետ դրեք սարքի մեջ:
- 5 Կցեք հիմքը և այն ամրացնելու համար պտտեք ժամացույցի սլաքի ուղղությամբ:

# Wi-Fi-ի ցուցիչի նկարագիր

Wi-Fi պատկերակի կարգավիճակը	Wi-Fi կապի կարգավիճակը
Թարթում է նարնջագույնով	Միանում է սմարթֆոնին
Կայուն նարնջագույն	Միանում է սմարթֆոնին
Թարթում է սպիտակ գույնով	Միանում է սպասարկիչին
Կայուն սպիտակ	Միանում է սպասարկիչին
Մնջատված	Wi-Fi գործառույթն անջատված է

## Wi-Fi կապ

### Առաջին անգամ Wi-Fi կապի կարգավորում

- 1 Ներբեռնեք և տեղադրեք Philips-ի «Air+» հավելվածը **App Store**-ից կամ **Google Play**-ից:
- 2 Օդամաքրիչի խրոցը մտցրեք հոսանքի վարդակի մեջ և սեղմեք  օդամաքրիչը միացնելու համար:
  - ↳ Wi-Fi-ի ցուցիչը  առաջին անգամ միացնելիս նարնջագույն լուսավորությամբ թարթում է:
- 3 Համոզվեք, որ ձեր սմարթֆոնը կամ պլանշետը հաջողությամբ միացված է ձեր Wi-Fi ցանցին:






#### Նշում.

- Ձեր սմարթֆոնում միացրեք Bluetooth գործառույթը՝ սահուն զուգավորումն ապահովելու համար:
- 4 Գործարկեք «Air+» հավելվածը և էկրանին սեղմեք «**Ավելացնել սարք**» կամ «+» կոճակը: Օդամաքրիչը ձեր ցանցին միացնելու համար հետևեք էկրանի ցուցումներին:

#### Նշում.

- Այս հրահանգները նախատեսված են օդամաքրիչի առաջին անգամ կարգավորման համար: Եթե ցանցի կարգավորումները փոխվել են կամ հարկավոր է նորից կատարել կարգավորումները, տես "Wi-Fi կապի վերակարգավորում" էջ 6 բաժինը:
- Եթե ցանկանում եք մեկից ավելի օդամաքրիչ միացնել ձեր սմարթֆոնին կամ պլանշետին, ապա մեկ առ մեկ պետք է միացնեք դրանք:
- Համոզվեք, որ ձեր սմարթֆոնի կամ պլանշետի և օդամաքրիչի միջև հեռավորությունը 10 մ-ից պակաս է և սարքերի միջև չկան ուրիշ առարկաներ, որոնք կխոչընդոտեն ազդանշանների փոխանցմանը:

### Wi-Fi կապի վերակարգավորում


- 1 Օդամաքրիչի խրոցը մտցրեք հոսանքի վարդակի մեջ և սեղմեք  օդամաքրիչը միացնելու համար:
- 2 Սեղմեք  և պահեք 3 վայրկյան, մինչև չլսեք ազդանշանը:
  - ↳ Օդամաքրիչն անցնում է կապակցման ռեժիմին:
  - ↳ Wi-Fi ցուցիչի  լույսը թարթում է նարնջագույնով:
- 3 Կատարեք «Առաջին անգամ Wi-Fi կապի կարգավորում» բաժնի 3-4 քայլերը:

## Հոսանքից սնուցման միացում

**Նշում.** Էլեկտրահարման վտանգ: Երբ անջատում եք ՓՀ հոսանքի լարը, միշտ հանեք խրոցը վարդակից: Երբեք մի քաշեք լարից:

Հոսանքի աղապսերը միացրեք.

- Նախ, սարքի վրայի սնուցման խրոցին:
- Այնուհետև՝ պատի վարդակին:




## Միացում և անջատում

**Նշում.**

- Օպտիմալ մաքրման համար փակեք դռներն ու պատուհանները:

- 1 Սեղմեք օդամաքրիչի հետևի մասում գտնվող միացման կոճակն **Ս** այն միացնելու համար:  
↳ Օդամաքրիչը կանխադրված կերպով աշխատում է Միջին ռեժիմով:
- 2 Կրկին սեղմեք միացման կոճակն **Ս**՝ օդամաքրիչն անջատելու համար:

## Ավտոմատ ռեժիմի կարգավորումների փոփոխություն

Դուք կարող եք ընտրել Տուրբո, Միջին կամ Քնի ռեժիմ՝ սեղմելով ռեժիմների փոխարկման կոճակը  կոճակի պայծառությունը ցույց է տալիս գործող ընթացիկ ռեժիմը.

- Քնի ռեժիմ՝ ամենացածր պայծառություն
- Միջին ռեժիմ՝ միջին պայծառություն
- Տուրբո ռեժիմ՝ ամենաուժեղ պայծառություն




### Տուրբո ռեժիմ

Տուրբո ռեժիմում օդամաքրիչն աշխատում է ամենաբարձր արագությամբ:



### Միջին ռեժիմ

Միջին ռեժիմում օդամաքրիչն աշխատում է միջին արագությամբ:



### Քնի ռեժիմ

Քնի ռեժիմում օդամաքրիչն անաղմուկ աշխատում է ցածր արագությամբ:



---

## Գործարանային կարգավորումների վերակայում

Վերագործարկեք օդամաքրիչը՝ կանխադրված կարգավիճակին վերադառնալու համար:

Վերակայեք Wi-Fi կապը կանխադրված ցանցի կամ Philips-ի հաշվի փոփոխության դեպքում:

- Միաժամանակ սեղմեք **U** և **⊞** կոճակները 10 վայրկյան՝ մինչև ձայնային ազդանշան կլսեք:

## 4 Մաքրում

Եզում.

- Սարքի որևէ մաս մաքրելու համար երբեք մի օգտագործեք հղկող, ագրեսիվ կամ դյուրավառ մաքրող միջոցներ, օրինակ՝ քլոր կամ սպիրտ:

---

### Մաքրման ժամանակացույց

Չաճախականություն	Մաքրման եղանակ
Անհրաժեշտության դեպքում	Սրբեք սարքի մակերևույթը փափուկ չոր լաթով:
	Մաքրեք օդի ելքի կափարիչը
Չորս շաբաթը մեկ	Մաքրեք ֆիլտրի մակերևույթը

---

### Օդամաքրիչի կորպուսի մաքրում

Պարբերաբար մաքրեք օդամաքրիչը ներսից և դրսից՝ փոշու կուտակումից խուսափելու համար:

- 1 Օդամաքրիչը ներսից և դրսից, ինչպես նաև ելքային հատվածը մաքրեք փափուկ, չոր լաթով:
- 2 Օդի ելքի անցքը ևս կարելի է մաքրել չոր փափուկ լաթով:


---

### Ֆիլտրի մակերևույթի մաքրում

Սրբեք ֆիլտրի մակերևույթը փափուկ թաց լաթով կամ մաքրեք այն փոշեկուլով:


Եզում.

- մեծ հզորության/արտադրական փոշեկուլի օգտագործումը կարող է վնասել ֆիլտրը:



## 5 Ֆիլտրի փոխարինում


### Օդի որակի վերահսկման համակարգի արգելափակման ազդանշանների նշանակությունը



Այս սարքն ունի օդի որակի վերահսկման համակարգի արգելափակման ֆունկցիա, որը վերահսկում է NanoProtect ֆիլտրի վիճակը ապահովելու համար սարքի օպտիմալ աշխատանքը: Երբ ֆիլտրը համարյա սպառվել է, ֆիլտրի փոխարինման ազդանշանը (  ) վառվում է, ինչը նշանակում է, որ այն անհրաժեշտ է փոխարինել:

### Ֆիլտրի փոխարինում


Նշում.



- Ֆիլտրը չի կարելի լվանալ կամ նորից օգտագործել:
- Միշտ անջատեք օդամաքիչը և հանեք խրոցն էլեկտրասնուցման վարդակից ֆիլտրը փոխարինելուց առաջ:



- 1 Պտտեք հիմքը ժամացույցի սլաքին հակառակ ուղղությամբ՝ այն սարքից անջատելու համար:
- 2 Հանեք ֆիլտրը սարքից: Հեռացրեք օգտագործված ֆիլտրը:
- 3 Հեռացրեք նոր ֆիլտրի ողջ փաթեթավորումը:
- 4 Տեղադրեք ֆիլտրը սարքի մեջ:
- 5 Կցեք հիմքը և այն ամրացնելու համար պտտեք ժամացույցի սլաքի ուղղությամբ:
- 6 Օդամաքիչի խրոցը միացրեք հոսանքի վարդակին:
- 7 Սեղմեք Միացնել/անջատել կոճակը ՝ սարքը միացնելու համար:
- 8 Սեղմեք և պահեք  3 վայրկյան՝ ֆիլտրի շահագործման ժամկետի հաշվիչը վերակայելու համար:
- 9 Ֆիլտրը փոխարինելուց հետո ձեռքերը մանրակրկիտ լվացեք:

### Ֆիլտրի վերակայում

Դուք կարող եք փոխարինել ֆիլտրը, նույնիսկ մինչև էկրանին կցուցադրվի (  ) ֆիլտրը փոխելու ազդանշանը: Ֆիլտրը փոխելուց հետո անհրաժեշտ է ձեռքով վերակայել ֆիլտրի շահագործման ժամանակի հաշվիչը:

- 1 Սեղմեք Միացնել/անջատել կոճակը ՝ սարքը միացնելու համար:
- 2 Միացնելուց հետո 10 վայրկյան հպեք և պահեք ռեժիմների փոխարկման  կոճակը 5 վայրկյանի ընթացքում՝ վերակայելու ֆիլտրի շահագործման ժամանակի հաշվիչը:

## 6 Պահեստավորում

- 1 Անջատեք օդամաքրիչը և հանեք խրոցը վարդակից:
- 2 Մաքրեք օդամաքրիչը և ֆիլտրի մակերևույթը (տես «Մաքրում» գլուխը):
- 3 Պահելուց առաջ թողեք, որ բոլոր մասերը մանրակրկիտ չորանան բաց օդի պայմաններում:
- 4 Փաթեթավորեք ֆիլտրը օդապաշտպան պլաստիկ տուպրակների մեջ:
- 5 Պահեք օդամաքրիչը, ֆիլտրը զով, չոր տեղում:
- 6 Ֆիլտրի հետ աշխատելուց հետո միշտ մանրակրկիտ լվացեք ձեռքերը:

## 7 Անսարքությունների վերացում

Այս գլխում ներկայացված են ամենատարածված խնդիրները, որոնք կարող են հանդիպել սարքի օգտագործման ժամանակ: Եթե չեք կարողանում խնդիրը լուծել ստորև բերված տեղեկատվության օգնությամբ, դիմեք ձեր երկրում գործող Հաճախորդների սպասարկման կենտրոն:

Խնդիր	Հնարավոր լուծում
Սարքը չի աշխատում, թեև միացված է ցանցին:	<ul style="list-style-type: none"> <li>• Ֆիլտրի փոխարինման ազդանշանը թարթում է, բայց դուք չեք փոխարինել համապատասխան ֆիլտրը: Արդյունքում, սարքն այժմ կողպված է: Այս դեպքում փոխեք ֆիլտրը և վերակարգավորեք ֆիլտրի շահագործման ժամկետի հաշվիչը:</li> </ul>
Օդի ելքային անցքից դուրս եկող օդի հոսքը զգալիորեն թույլ է, քան նախկինում:	<ul style="list-style-type: none"> <li>• Ֆիլտրի մակերևույթը կեղտոտ է: Մաքրեք ֆիլտրի մակերևույթը (տես «Մաքրում» գլուխը):</li> </ul>
Օդի որակը չի բարելավվում, թեև օդամաքրիչը երկար ժամանակ աշխատում է:	<ul style="list-style-type: none"> <li>• Ստուգեք, որպեսզի փաթեթավորման նյութը հանված լինի ֆիլտրից:</li> <li>• Համոզվեք, որ ֆիլտրը ճիշտ է տեղադրված:</li> <li>• Սենյակի չափը մեծ է կամ արտաքին օդի որակը վատն է: Օպտիմալ օդամաքրման համար օդամաքրիչը գործարկելիս փակեք դռներն ու պատուհանները:</li> <li>• Կան ներքին աղտոտման ռեսուրսներ: Օրինակ՝ ծխելը, եփելը, անուշաբույր հոտերը:</li> <li>• Ֆիլտրը սպառվում է: Ֆիլտրը փոխարինեք նորով:</li> </ul>
Սարքը տարօրինակ հոտ է արձակում:	<ul style="list-style-type: none"> <li>• Սարքն առաջին անգամ օգտագործելիս հնարավոր է պլաստիկի հոտ գա: Դա նորմալ է: Սակայն, եթե սարքից այրման հոտ է գալիս, նույնիսկ եթե ֆիլտրը հանում եք, դիմեք ձեր Philips-ի դիլերին կամ Philips-ի լիազորված սպասարկման կենտրոն: Սենյակային օդի կլանման պատճառով ֆիլտրը կարող է որոշ ժամանակ օգտագործելուց հետո հոտ արձակել: Խորհուրդ է տրվում կրկին ակտիվացնել ֆիլտրը՝ այն դնելով արևի ուղիղ ճառագայթների տակ՝ կրկնակի օգտագործման համար: Եթե հոտը չի անցնում, փոխարինեք ֆիլտրը:</li> </ul>

Խնդիր	Յնարավոր լուծում
Սարքը բարձր ձայն է արձակում:	<ul style="list-style-type: none"> <li>• Յանոզվեք, որ ֆիլտրի փաթեթավորումը հեռացված է:</li> <li>• Երբ օդի որակը վատն է, սարքն աշխատում է բարձր արագությամբ, ինչն էլ առաջացնում է բարձր աղմուկ: Գիշերը ննջասենյակում սարքն օգտագործելիս ընտրեք Քնի ռեժիմը:</li> <li>• Եթե ինչ-որ բան ընկնում է օդի ելքի մեջ, այն նույնպես կարող է առաջացնել ոչ նորմալ բարձր ձայն: Անմիջապես անջատեք և գլխիվայր շրջեք սարքը՝ սարքից օտար առարկաները հանելու համար:</li> </ul>
Սարքի վրա շարունակում է թարթել ֆիլտրը փոխելու ցուցիչը, բայց այն արդեն փոխվել է:	<ul style="list-style-type: none"> <li>• Յավանաբար, դուք չեք վերակայել ֆիլտրի շահագործման ժամկետի հաշվիչը: Միացրեք սարքը: Այնուհետև սեղմեք և պահեք ռեժիմների փոխարկման կոճակը (🔄) 3 վայրկյան մինչև 🟢 անհետանա:</li> </ul>
Չի հաջողվում կատարել Wi-Fi-ի կարգավորումը:	<ul style="list-style-type: none"> <li>• Եթե երթուղիչը, որին միացված է ձեր սարքը, աջակցում է երկու հաճախություն և ներկայումս միացված չէ 2,4 ԳՅց ցանցին, անցեք նույն երթուղիչի մյուս հաճախությանը (2,4 ԳՅց) և կրկին փորձեք կապակցել օդամաքրիչը: 5 ԳՅց ցանցերը չեն աջակցվում:</li> <li>• Վեր գննարկիչում վավերացմամբ ցանցերը չեն աջակցվում:</li> <li>• Յանոզվեք, որ սարքը գտնվում է Wi-Fi երթուղիչի ծածկույթի տարածքում: Յնարավոր է՝ հարկավոր է օդամաքրիչը մոտեցնել ձեր Wi-Fi երթուղիչին:</li> <li>• Ստուգեք՝ ցանցի անունը ձիջտ է մուտքագրված: Ցանցի անունը դուրձազգայուն է:</li> <li>• Ստուգեք՝ Wi-Fi-ի գաղտնաբառը ձիջտ է մուտքագրված: Գաղտնաբառը դուրձազգայուն է:</li> <li>• Նորից փորձեք կարգավորումը «Wi-Fi կապակցում» գլխում ներկայացված հրահանգներին համաձայն:</li> <li>• Wi-Fi կապը կարող է ընդհատվել էլեկտրամագնիսական կամ այլ խափանումների պատճառով: Սարքը հեռու պահեք այլ էլեկտրական սարքերից, որոնք կարող են խափանումներ առաջացնել:</li> <li>• Ստուգեք՝ շարժական սարքը դրված է ինքնաթիռի ռեժիմում: Wi-Fi ցանցին միանալիս հանոզվեք, որ ինքնաթիռի ռեժիմն անջատված է:</li> <li>• Տես հավելվածի օգնության բաժինը՝ անսարքությունների վերացման ակտուալ և քայլ առ քայլ խորհուրդների համար:</li> </ul>

## 8 Ծանուցումներ

### Էլեկտրամագնիսական դաշտեր (ԷՄԴ)

Այս սարքը համապատասխանում է էլեկտրամագնիսական դաշտերի ազդեցությանը վերաբերող կիրառելի ստանդարտներին և կանոնակարգերին:

### Օգտահանում

Այս նշանը ցույց է տալիս, որ այս ապրանքը չպետք է թափվի սովորական կենցաղային աղբի հետ (2012/19/ԵՄ):



Հետևեք էլեկտրական և էլեկտրոնային ապրանքների առանձին հավաքման հետ կապված ձեր երկրում գործող կանոններին: Շիջտ օգտահանումը օգնում է կանխել շրջակա միջավայրի և մարդու առողջության համար բացասական հետևանքները:

## 9 Երաշխիք և աջակցություն

Այս արտադրանքը գնելուց հետո Versuni-ն առաջարկում է երկու տարվա երաշխիք: Երաշխիքը չի գործում, եթե ապրանքի թերությունը առաջացել է սխալ օգտագործման կամ վատ սպասարկման հետևանքով: Մեր երաշխիքը չի ազդում օրենքի շրջանակներում Ձեր սպառողական իրավունքների վրա: Լրացուցիչ տեղեկությունների կամ երաշխիքը գործարկելու համար այցելեք մեր վեբկայք՝ [www.philips.com/support](http://www.philips.com/support):

### Պատվիրեք մասեր կամ արքեսուարներ

Եթե ձեզ անհրաժեշտ է փոխել որևէ մաս կամ ձեռք բերել սարքի լրացուցիչ մաս, կապվեք ձեր երկրում գործող Philips-ի գործակալի հետ կամ այցելեք [www.philips.com/support](http://www.philips.com/support):

Եթե սարքի մասերը ձեռք բերելու հետ կապված խնդիրներ ունեք, դիմեք ձեր երկրում գործող Philips-ի Հաճախորդների սպասարկման կենտրոն:



Philips-ը և Philips Shield Emblem-ը հանդիսանում են Koninklijke Philips N.V.-ի գրանցված ապրանքանշանները և օգտագործվում են լիցենզիայի շրջանակներում:  
Այս սարքը արտադրվել է Versuni Holding B.V. ընկերության կողմից և վաճառվել ընկերության պատասխանատվության ներքո. Versuni Holding B.V. ընկերությունը հանդիսանում է այս սարքի երաշխավորը:  
2023 © Versuni Holding B.V.

AC0650\_UM\_v1.0 (09/08/2023)

